

*“Sein a sangmje ndaà a kingamje, boo  
lee sein sangmje qe ngao me si bura.”*

**SEE J'A  
GER ALLAH  
TO GE  
BANWA**

# SEE J'A GER NDAÀ ALLAH TO GE BANWA

Abraham lé deen bbaree “baokura le Allah.” To togebè mbata yeen oso gel Allah ted kagee. Sein je kârâ, sein asje kem ger Allah lem, qe meekorjol lea lem, qe meelom lea lema, qe ndu tôr lea lem to. Koso gel Allah nda ne méee dea'g mba ger ee ne lé, yee bba ge né ge maji dum ge deou a ra do nang nee. Allah ge riba do rea ar deen ge sangee qe ngao meen dee bura lé, to né ge maji dum ya!

Boo lee sein a kosje badm tel do reou ge sein njaaje keneng koso ne gel Allah'g ndaà, Ndilee qe meenda a kishi khemba mee si'g. Boo lee sein a komje mee si do ndukunnje lea kunn ne do golee lad-lad mba ted kagee ndaà, meenoji lea ge kula kum ci sea nan'd lé, see deou esé né a gangee ra wa. Yeen nja a to Allah le si, tobei sein a toje ne nébao lea ge ged to. Sein a kooje to ge yeen ôga si ge né ge gadee dum ndogo. Kom se si nan'd sad bacinè saar saar qe non lé, malee rea ngwod-ngwod.

To ge sein turaje taje nee ge to mee Maktub le Allah ndaà, maji kar si raje ndôo non Allah'g qe mba karee ar kem si inja pao do'g. Ta ge to mee Maktub le Allah lé, Allah bba uru mee kankem deouje lea ar dee ndang taje neelé kenneng. Chei tan sang loo mba tuji Maktub le Allah, nê lee ri ri kârâ Allah ngem ta lea mee lebje ge den ra né morije bbed-bbed mba ngemee.

---

Taje lai mee ngonnn maktub neelé deen d'inga mee Maktub le Allah: d'inga mee maktub Godndu lé ge bbaree (Torah), mee maktub Pa (Psaumes) (Zabur), d'inga mee maktub le njetegginn-taje, d'inga mee Tagemaji le Mbaidombaije lé to (Injil).

Tel-tura-godndu 6:4b,5

Njeshiqenean Allah le ci lé, to Njeshiqenean ya kara ba. Sein a kundaje Njeshiqenean Allah le si dann kem si'g, a ndigeeje do bbengere si'g lem, qe kankemro si bura lema, qe singa ro si bura lem to.

Esaïe 45:18

Mbata Njeshiqenean lé, yeen ge to njekunda dara lem, ge to Allah kara ba kiao lem, ge to Njekunda nang, ge unda aree ngeng-ngeng lem, qe aree tel to dodillaloo el lema, qe golee mba kar dee d'ishi kenneng lem to lé yeen nja pa togebè pana: Ma nja m'to Njeshiqenean, yeen ge njekôré dom goto.

1 Mbaije 8:60

Maji kar deouje lai lai do nang nee ger Njeshiqenean to Allah ya, yeen ge njekôré dom goto.

Esaïe 42:8

Ma m'to Njeshiqenean, yee bba to rim; ndaà m'a kyan ronduba lem kar deou ge rang el lem, ribbar lem kârâ m'a kyan kar magje el lem to.

Esaïe 43:10,11

Njeshiqenean pana: Sein toje njekorgootaje lem sein qe kura lem ge ma m'oree, qe mba kar si gerje gao lem, kar si omje mee si do'g, kooje to ge to ma ya lem to. Ma nja m'to ge dotar bóo Allah ge njekunda rea nom'g bba m'ôré géee bei lé gogo lem, qe goom-ma'g lé, yeen ge njekôré goom'g goto lem to. To ma, ma bba m'to Njeshiqenean, boo lee ma m'goto ndaà, Njekaji ge rang kara kârâ goto to.

Esaïe 45:22

Telje ge rom'g nee ndaà sein a kajije, sein lai ge shije rudu nang'd lé! Mbata ma m'to Allah ge njekôré dom'g goto.

Pa 103:8,11

Njeshiqenean lé to Njemeeorjol lem, yeen to nje koo kemtondôo le deouje lem, yeen illa mée do ong ge lea lema, yeen to bao-meemaji lem to. To ge kin nang nee kaou ge dara lé rudee goto, meemaji lea kârâ rudee goto mbata le deen ge bbelee lé bée.

Pa 103:17a,18b

Meemaji le Njeshiqenean lé to saar-saar mbata le njebbeleeje lé...qe deen ge meen dee ôlé do godndia'g qe mba ra karee or rod lem to.

Michée 7:18

See mag ge ra bba to tana sei wa, i Allah ge nje kar mée oso lemsé do nêra kôri-kôri lem...mbata meekosolemsé bba taa kemi regm ya.

Non le Jérémie 3:32

Mbol do meemaji le Njeshiqenean bba j'a tuji el, meenoji lea unda ngangee el lem to.

Non le Jérémie 3:32

Lee yeen ar nékemndôo ra deou kârâ, yeen tel illa mée pon dea'g qe goo bôo-meenoji lea lé.

Pa 18:26a

Yeen ge to njemeemaji lé i nja kârâ maji sea ya to.

Sôrta-ginnkaje ge dotar 16:34

Pitije Njeshiqenean, mbata yeen to deou ge maji-dum mbata meekorjol lea lé to saar-saar qe non!

## Jérémie 31:3

Njeshiqenean tojim rea loo ge eou'g ya pana:  
Ma m'ndigi si m'unda si dann kem'g saar ge non,  
gelee ge nee bba ma m'ar meemaji lem to ne  
njang mbata le si.

## Jérémie 29:11

Mbata ma m'ger né ge m'wa do golee m'woji ne do  
si gao, né ge m'woji ne do si lé to meelom bôo  
nékemndôo el, mba kar si undaje ne mee si yèl do  
né ge a ree, Njeshiqenean bba pa bèe.

## Malachie 1:2a

Njeshiqenean pana: Ma m'unda si dann kem'g.

## Pa 103:13

To ge baungannje oo ne kemtondôo le ngannee lé,  
Njeshiqenean kârâ oo kemtondôo le deen ge bbelee  
lé togebè ya.

## Esafe 38:17

Aa oo, nêmeekonje lem ya kârâ tel to ge loo  
kajim; i ar roi leli do korm dann bwa-tuji'g,  
mbata i om kaiya ramje lai giri'g gogo.

## 1 Jean 4:16a,19

Meenoji le Allah ge yeen unda ci ne dann kem-  
ee'g lé, jeen n'ger gao j'om mee ci do'g to.  
Jeen j'unda Allah dann kem ci'g mbata yeen nja  
unda ci dann kemee'g ketté ge dotar.

## Sophonie 3:17

Njeshiqenean Allah le si shi mbuna si'g asena  
bao-rô ge njekaji si; yeen a kar si-sein toje  
nérolel lea ge bôo; yeen a killa tea maree'g  
shi lom dann meenoji'g lea; yeen a kal rea  
mbata lei.

4 GER NDAА ALLAH YEE BBA GE NÉ KEM RA URU DO  
NÉJE GE RANG LAI

Daniel 11:32

Nê deouje ge ger ndaa Allah le dee lé d'a ra né  
ge maji kaar ne do gol dee'g njang.

Jérémie 9:24

Nê yeen ge ndigi ti rea ndaà reou ti rea bba  
nee: Maji karee inga gosonéger qe mba germ ne  
lem, qe ger to ge ma m'to Njeshiqenean, ge nje-  
ra meemaji qe njera né ge dannasur, qe njenéra  
ge qe do najee do nang nee lem to; yee neelé  
bba ge né ge taa kem regm, Njeshiqenean bba pa  
bèe.

Pa 119:2

Rolel nai qe deen ge d'aa do godndiaje ker-ker  
lem, qe deen ge ndôlé géee qe ngao meen dee  
bura ya.

Tel-tura-godndu 30:19b,20a

Ma m'unda yoo qe kishi khemba non si'g lem,  
m'unda ndutor qe ndol non si'g lem to. Maji kar  
si mberje kishi khemba qe mba kar si...undaje  
Njeshiqenean Allah le si dann kem si'g lem, qe  
mba kar si tedje kag tôrndia lema, qe mba kar  
si naije sea lem to: mbata yee nja a to shi  
khemba le si lem to.

Osée 6:6

Mbata meekorjol bba taa kem bôo nékinjames bba  
el. Ger ndaa Allah lé bba ur do nékinjames ge  
kan rôo qe pet.

Pa 42:2

To ge arkas ge eme biriri-biriri goo kem reou  
mann'g bèe lé, ei Allah, kankemrom kârâ eme  
biriri-biriri gooi'g togebè ya to.

Teen Raga 33:14

Njeshiqenean illâ kenneng pana: Ma nja m'a kôrê  
sei reou nan'd mès lem, m'a kari inga lookwaro  
lem to.

Sôrta-ginnkaje ge joo 15:2

Njeshiqenean nai se si loo ge sein naije sea;  
boo lee sein sangeeje ndaà sein a kingaje; nê  
boo lee sein ubáje yánje ndaà yeen kârâ a kuba  
si kyân si to.

Jérémie 17:9

Mee deou lé ula né nan'd yaan unda néje ge rang  
lai; meeyèr taa loo kenneng pel-pel, see na as-  
kem ger né ge to kenneng wa.

Gosota 16:25

Reou ge nanje deou oo ge reou ge maji, nê loo  
kos bon lea to yoo.

2 Pierre 2:4,9

Kuraje ge dara ge ra kaiya lé, Allah om dee'g  
el, nê wa dee bbugu dee ne mee bwa-wel ge ndul  
nding-nding ge suna goto'g ngina ne sariya ge  
d'a qe gang do dee'g lé. Mbaidombaije askem kor  
deouje ge néra dee aou qe goo kan Allah lé dann  
né ge naa dee'g, nê yeen a kar bon néra njera  
nékôri-kôrije os tâ dee'g ngina ne ndo sariya lé.

1 Samuel 12:15a

Nê boo lee sein illaje koji do godndu Njeshiqe-  
nean'g el lem, qe sein toje njekos ta le Njeshi  
qenean reouje lem to ndaà, ji Njeshiqenean a röö  
se si to ge röö qe bausije bëe to.

Jean 15:6

Boo lee nana bba ge nam kaarm'g el ndaà, d'a  
killá kôrö asena qe barkem nduúje ge d'odo d'om  
dee pe'd d'ar dee röö dula-dula.

Jérémie 29:13

Sein a sangmje ndaà a kingamje, boo lee sein sangmje qe ngao mee si bura.

Gosota 2:4b,5

Sangee...ndôle géee to ge nébao bèe ndaà, yenn bba...kemi a kinja ne do ger ndaa Allah'g njai-njai lem to.

Matthieu 7:7

Kwoi deeje né ndaà, d'a kar si bei, sangje né ndaà, a kosoje do si kenneng bei; undaje tâbidi reoukei ndaà, d'a kor kar si bei to.

Hébreuje 11:6

Boo lee meekunn goto ndaà, deou kara kârâ a taa kem Allah el. Kom meei do Allah'g kéee ne ge deou ge a kar nana ge ndôlé uba maji, yee bba ge kuman kar i rem ne per ge ro Allah'g.

Gosota 8:17

Deen ge d'undam dann kem dee'g lé m'unda dee dann kem'g to; deen ge sangm ndaà d'ingam ya to.

Non le Jérémie 3:25

Meemaji le Njeshiqenean lé to mbata deen ge d'unda meen dee yèl ge dea'g lem, qe deen ge sangee qe ngao meen dee bura lem to.

Néranjekainkulaje 17:26a,27

Mes deou kara ba ya, yeen unda ne ginnka deouje qe loo-loo....Yeen ndigi kar dee ndôlé Mbaidombaije lé, mamee maji d'ingá, mbata yeen shi eou el, né shi mbor ci'g deb ya.



## Sôrta-ginnkaje ge joo 30:9b

Mbata Njeshiqenean, Allah le si to njemeekosolemsé qe njekookemtondôo ndaà, yeen a tel giree killa kar si loo ge sein reeje rea'g lé el.

## Pa 86:5

Mbaidombaije, i to njemeemaji, mbata i ar meei oso lemsé do loo ge lem, deen ge bbar rii lé, i unda dee dann kemi'g lem to.

## Jacques 4:8a

Remje per ge ro Allah'g bba, yeen kârâ a rem per ge ro si'g bei.

## Pa 145:18

Njeshiqenean lé shi mbor deen ge bbar ria'g lé deb, to deen lai ge bbar ria qe mee kara ba bereng lé.

## Esafé 1:18

Njeshiqenean pana: Reeje ar ci j'orje kemta le si j'ar nan! Boo lee kaiya le si kas njir-njir kârâ, d'a tel nda keleou-keleou asena qe keouje: boo lee dee kas to ge niba dai ndaà d'a tel kasena qe bin bad bée to.

## Matthieu 11:28,29

Reeje rom'g, sein ge nékodo ge woi to do si'g ar si daoje ne bba m'a kunn do si'g. Ulaje do si lem, taaje némemenan lem lema, taaje ne ta lem ge m'woji si lé, ndangje do bbenegere si'g lem to, mbata ma m'to deou ge kul lem, m'ula dom m'aou yururu lem to.

## Jean 6:37b

Yeen ge ree rom'g kârâ m'a kyân raga ndan el.

Teen Raga 15:11

Ei, Njeshiqenean, see na bba to tana sei, i ge bao-meenda lem, qe askem kinga ribbar lem to.

1 Samuel 2:2a

Njemeenda ge to as sei-i Njeshiqenean kara kêrâ goto: i to Allah kara ba bôo yeen ge rang goto.

Job 34:10b

Meeyèr goto ro Allah'g lem, nêra ge lal najee goto ro Njedum-do-nêje-lai lem to.

Esaie 6:3b

Njemeenda, Njemeenda, Njemeenda to Njeshiqenean ge njebôo-nêje ge dara! Ronduba lea taa nang nee pel-pel!

Esaie 57:15a

Njekurdoloo'g ge loo-shiee to qe non lem, qe ria to qe kemee lem to lê, pa togebè pana: Ma m'ishi sêm loo'g tar ge to loo ge to qe kemee.

Pa 145:17

Njeshiqenean lê to njemeekarabasur do nêreaaje'g lai lem, yeen to njemeekorjol do nêraaje'g lea lai ya lem to.

Marc 10:18b

Allah kara ba kiao bba to deou ge maji ya.

Lookillarea 15:4a

See na bba a bbel rii kula ne ronduba doi'g el wa, Mbaidombaije, mbata i nja to njemeenda kara ba kiao.

Jacques 2:19,20; 1:22

I enji meein'g pana: Allah kara ba kiao; yee bba i ra maji; nê ndilje ge majel kârâ d'enji meen dee'g togebè to, deen ndeb ne pet-pet. Ei, i deou ge qe mindé ba, see kemi inja do'g bereng el bei wa. Meekunn ge lal ra née ndaà to qe mindé ba to. Kankemta ge sein ooje lé, raje née bôo, taaje ge cinn kari el.

1 Jean 2:4; 3:10

Yeen ge pana: Neen n'gerée, nê yeen aa do tôr-ndia ker-ker el ndaà, yeen to njengom; kankemta ge tèn-tèn bèe kârâ uba mée teb el. Yee neelé bba d'a ger ne ngann Allah-je qe kan njekurai lé lem to; nana bba ge ra né ge lal najee ndaà, yeen to ge kan Allah el; yeen ge lal kunda ngo-kean dann kemee'g ndaà kârâ, yeen to ge kan Allah el lem to.

Gosota 15:9

Reou ge njemeeyèrje d'aou kenneng lé to né ge ram kem Njeshiqenean: nê yeen ge sang reou né-meekarabasur lé Allah undá dann kemee'g.

Hébreuje 12:14

Sangje reou qe mba shije qe meelom mbuna deouje'g lai lem, sangje qe mba to deouje ge to qe kemee lem to.

1 Pierre 1:15

Yeen ge bbar si lé, to njemeenda bèe ndaà, sein je kârâ toje njemeendaje qe mba kar néra si ge qe léee-léee to qe kemee bèe to.

Amos 5:14

Sangje né ge maji bôo né ge majel el, yee bba sein a shije ne khemba. Bèe bba Njeshiqenean, Allah ge njebôo-néje ge dara a nai se si, to ge sein paje lé to.

## Michée 6:8b

I deou lé, deen ndooi né ge maji kem ra; qe né ge Njeshiqenean ndigi kinga roi'g, to qe mba kari ra né ge to qe do najee lem, qe mba kari unda meekorjol dann kemi'g lema, mba kari njaa qe Allah lei qe ngonkkoji lem to.

## Lévitique 19:2b

Maji kar si toje njemeendaje mbata ma m'to Nje-meenda, ma Njeshiqenean Allah le si.

## Luc 10:27b

Mbaidombaije, Allah lei lé, i a kundá dann kemi'g ndigee do bbengeri'g lem, qe kankemroi bura lem qe singa roi bura lem qe takenji lei bura lema, i a kunda mari dann kemi'g to ge da-roi bée lem to.

## Marc 10:19

I ger ta godnduje lai ge pana: I a ndal mod-kaiya el lem, i a tol deou el lem, i a bbogo el lem, i a ted ta kunda tâ mari'g el lem, i a bengere mari el lema, tedkag baubi qe koin lem to.

## Romainje 12:2a

Ndajije kem deouje ge d'ishi do nang nee baciné el, nê maji kar si tel toje deouje ge cigi qe goo takenji ge cigi ge to mee si'g.

## Josué 1:8

Ta ge to mee maktub godndu'g neelé maji karee lal tâi el; maji kari lanji tôree meein'g dann kâra qe loondul'g qe mba ra né lai ge ndang taree kenneng; togebè bba kula raije lai d'a maji ne kor njal lem, i kârâ a teen ne kor lem to.

## Marc 11:22b

Undaje mee si do Allah'g bba.

## Gosota 6:16-19

Néje misa ge Njeshiqenean enji dee bein-bein to kenneng, néje ge siri to né ge minan kemee'g togebè: kem njebeeléje ge d'aa ne loo lem, ndon ge njepata ge ngom lem, ji ge illa mes njegelgoto nang, do bbengere ge lanji tôr kwoji néra ge kôri-kôri lem, gol ge woilo pélé-pélé ge do néra ge majel'g lem, njegangta ge pa tangom ge ketté-ketté lema, qe yeen ge to njekos gel takol mbuna ngakon nanje'g lem to.

## Esaie 61:8a

Ma Njeshiqenean m'unda néra ge qe do najee dann kem'g, ndaã m'enji bbogo qe néra ge kôri-kôri bein-bein.

## Lookillarea 21:8

Nê njeremje, qe njetar-Allah-je, qe ramdeouje, qe njemodkaiyaje ge njetol deouje ge njekergosojé qe njepôlémagje lema, qe njetâkôrije lai lem to, deen nja d'a kinga loo le dee dann per ge tad reg-reg ge on bilim-bilim ge kunjee teen kas njir-njir lé, yee bba to ge yoo ge joo lé.

## Malachie 2:15b, 16a

Arje ndil si ndeb kenneng bôo qe mba kar deou kara kârâ er kem denné jia ge yeen teaa qe basee lé el. Njeshiqenean Allah le Israêlje lé pana: Tuba ge deou tuba denné lea...to kenji kem'g.

## Zacharie 8:17

Maji kar deou kara kârâ mbuna si'g woji méeen'g qe mba ra majel qe maree el lem, ndigije kuburo qe tangom el lem to, mbata néje lai neelé m'enji dee bein-bein, Njeshiqenean bba pa bée.

12 DEOUJE DO NANG NEE LAL KINGA NÉ GE MEE  
ALLAH WOJI KAR DEEN D'INGA

Jean 5:42

Ma m'ger gao meenoji ge kan Allah lé goto mee  
si'g.

Jacques 2:10

Nana bba ge aar do godndu'g lé, nê lal ra née  
kara ndaà, d'illa kem maree'g pad ya.

Esaie 6:5

Togebè bba m'pana: Meekon oso dom'g, m'tuji mban,  
m'to deou ge tapam majel lem, m'ishi mbuna deouje  
ge tapa dee majel lem to, mbata kem oo Mbai ge to  
Njeshiqenean ge njebôo-néje ge dara.

Jacques 4:17

Yeen ge ger loo ra né ge maji bba ra el ndaà,  
yeen ra kaiya ya.

Romainje 3:10

To ge ndang taree mee maktub'g: Njemeekarabasur  
kara kârâ goto.

Romainje 3:23

Deen lai ra kaiya, deen lal kinga ronduba ge  
Allah woji qe mba kula do dee'g.

1 Jean 3:10b

Nana bba ge ra né ge lal najee ndaà, yeen ge kan  
Allah el; yeen ge lal kunda ngokean dann kemee'g  
ndaà, kârâ, yeen to ge kan Allah el lem to.

Esaie 53:6a

Jeen lai to asena qe badje ge ndem d'illa rima-  
rima, nana kârâ unn reou ge méee ndigi.

1 Samuel 6:20b

See na bba askem kaar non Njeshiqenean'g, yeen ge  
to Allah ge Njemeenda lé wa.

Romainje 10:2,3

Mal kwa Allah meen dee'g ra dee ngwod-ngwod,  
yee bba ma m'oo ginnee gao, nê deen ra qe kem-  
karee el. Deen ger meekarabasur le Allah el,  
nê deen sang meekarabasur ge kan dee-deen ya  
qe doro dee bôo deen nded kan Allah el.

Esaie 64:6

Jeen lai n'to deouje ge mina lem, nêra ci ge  
qe do najee kêrâ to asena qe kubu ge wa yiro  
lem to.

Ezéchiel 33:13

Loo ge m'pana: Njeranê ge qe do najee a shi  
khemba, bba boo lee yeen om mée do nêra ge  
qe do najee lea ra ne nê kêri-kêri ndaà, m'a  
kar meem wei do nêra ge qe do najee lea ndaà,  
yeen a kwei mbata nêra kêri-kêri ge yeen ra lé.

Romainje 8:8

Bèe ndaà, deen ge d'wa goo ro dee do daro'g  
ndaà, loo taa kem Allah asenan'd ar dee el nga.

Romainje 3:20a

Godndu lé, deou kara kêrâ a kor ne ta dea'g el.

2 Corinthienje 3:5

Nê lai ge to ro ci'g lé, Allah bba ge njea bôo  
j'a kwoji ne ro ci el.

Romainje 5:12

Togebè bba deou kara ba or reou ar kaiya oso do nje ge do nang nee, bbad bba ar yoo ôré géee oso ne do deouje ge do nang nee lai; mbata deouje lai ra kaiya ar kal dee kara kârâ nai el.

Jacques 1:15

Tobei malee lé a keskèm bba a koji kaiya bei. Kaiya lé loo ge yee tog or léee njal mban ndaà, yee oji yoo to.

Ezéchiél 18:20a

Deou ge ra kaiya ndaà yeen ya bba a kwei.

Esaie 59:2

Nê to néra kôri-kôri le si bba tin si qe Allah le si lem, to kaiyaje le si bba onn kemee do si'g ogee koo ta le si lem to.

Gosota 11:19

Togebè bba néra ge qe do najee teen sei do kheme'g, nê yeen ge ndôlé goo majel ndaà a teen ne do yoo'g.

2 Sôrta-ginnkaje 24:20b

Allah pa togebè pana: See gelee ban bba sein ubaje ne godnduje le Njeshiqenean yânje wa. Sein a teenje kor ndan el; mbata sein ubaje Njeshiqenean yânje, ndaà yeen kârâ a kuba si kyân si ya to.

1 Samuel 15:23a

Mbata kalta lé to kaiya ge to asena kara ba qe ndon-ër lem, kos ta reou lé to asena kara ba qe néra ge qe do najee el lem to. To ge i mbat ta le Njeshiqenean ndaà, yeen kârâ mbati to.



Pa 7:11

Allah to njesariya qe do najee. Loo ge rara ge kem ra ong ndaà, ra ya to.

Nahum 1:3a

Njeshiqenean lé to njekar ong in sea kalang el, yeen to bao-singamong; yeen a lal kar bon nêra dee os tâ dee'g el.

Colossienje 3:6

Nêje nee bba ge né ge teg ginn ong ge Allah om do ngann njekaltaje'g lé to.

Romainje 1:18

Ong le Allah a kin dara kom do ndolje lai ge deouje ndolee ne lem qe do ramnéje lai ge deouje d'wa ne do kankemta d'ôré ge nang lé lem to.

Romainje 1:29-32

Yee bba ge nêra ge ram le deen ge deen ra. Bêe ndaà néje ge majel ge bbed-bbed taa meen dee pel-pel ya. Kaou ped-ped lem, qe kemnda lem, qe meeyêr lem, qe kemkein lem, qe tol deou lem, qe kolnan lem, qe kergoso lema, qe kem gununu lem to. Deen to njendongwos deouje lem, njetedtaje lem, njekos-Allah-reouje lem, njekemtogje lem, njebeelêje lem, njetum gel néyêrje ge cigi lema, qe njekos ta le njekoji deeje reou lem to. Kem-kâr goto ro dee'g lem, ngonkoji to ro dee'g ndan bêe el lem, meemaji ge tèn bêe kârâ goto ro dee'g lema, d'oo kemtondôo le mardeeje el lem to. Deen ger tôrndu Allah ge pana: Nana bba ra né ge togebè ndaà, a kas yêee ya lé ndaà, d'ôré dea nang mès; deen ra ge ketté-ketté. Deen ra qe kar' dee el, nê deen sula mardeeje sogo d'yân dee tâ'g ya to.

## Hébreuje 9:27b

To ge deouje d'wei gol kara ba bba ndo sariya a teen do dee'g bei.

## Lookillarea 20:12,15

M'oo nje ge d'wei ge to ge njemajije lem qe deouje kari ba lem to, d'aar non kalimbai'g raga ndegese. Yeen woin mee maktubje, tobei yeen teen do maktub ge rang'g, yeen ge to ge maktub kheme lé; nje ge d'wei lé, deen gang sariya do dee'g qe goo néra dee, to ge ndang taree maktubje'g lé. Nana bba ge ria goto mee maktub kheme'g neelé ndaà, d'illá dann per ge tad reg-reg'g neelé ya to.

## Hébreuje 10:31

Koso ge deou a koso ji Allah ge Njeshikhemba'g lé a to né ge to bbel kedm-kedm.

## Matthieu 12:36

Ma m'ula si tesere, ndo sariya lé tapa deouje ge deen pa ge cinn-cinn lé d'a teg wad-wad.

## Njekillamber 12:14

Mbata Allah a ree qe kulara deouje lai loo gang reouta'g kwoji ne do néje lai ge to loo ngein'g. né ge maji esé né ge majel.

## Matthieu 13:49,50

Ndo ge rudu nang nee a kunn ddiao lé ndaà, d'a ra togebè to. Deouje ge dara d'a ree mba kunda kem njemeeyèrje bbed lem, qe njemeekarabasurje bbed lem to. D'a kom njemeeyèrje dann per ge kunjee teen bilim-bilim'g lem, d'a non qe mann kem dee jiim-jiim lema, d'a so ngang dee kenneng pegere-pegere lem to.

## Gosota 15:3

Kem Njeshiqenean unn loo lad-lad aree oo ne njemeeyërje qe njemeemajije gao.

## Pa 139:1-4

Njeshiqenean, i nja oo meekuru lem, i germ gao. I oo loo kishi nang lem qe loo kin tar lem to. Takenji lem ge nai eou bei, i oo gao ya, lee m'aou tar esé m'to nang kârâ i oom ya to. I unn killa golmje lad-lad. Ta teen tâm'g el bei, nê i Njeshiqenean nja oo ta lem ge a teen tâm'g ngô-ngô.

## 1 Samuel 16:7b

Njeshiqenean oo né to ge deou oo bée el; né ge deou oo qe kemee bba yeen oo ge né, nê Njeshiqenean lé mee deou bba yeen oo.

## Pa 94:9

See yeen ge njera mbi deou lé, see askem koo ta el wa; esé yeen ge njera kem deou lé, see askem koo loo el wa.

## Jérémie 16:17

Mbata kem wei sin do reou kaou deeje'g lai lem, d'a kiya ro dee nom'g el lema, kaiya ra deeje kârâ a kiya rea kem'g el lem to.

## Hébreuje 4:13

Nékunda lea ge rara kârâ a kiya rea nean'd el, nê néje lai to raga ndegese kem yeen ge j'a kaar nean'g mba tura goo néra ci karee.

## Ezéchiel 18:23

Kar njemeeyèr wei lé, see malee ram wa, Mbaido-  
mbaije Njeshiqenean pa bée. See karee tel pa-  
njaa rang shi ne khemba bba malee ram el wa.

## Luc 13:3

Wah! bée el bei; ma m'ula si tesere ya. Boo lee  
sein a kwaje ndôo ro si do kaiya'g le si el  
ndaà, seinje lai lé sein a kuduje togebè ya to.

## Gosota 28:13

Deou ge iya do nêkaltaje lea lé a teen kor el,  
nê yeen ge teg ginnee ge raga lem, uba yán lem  
to ndaà inga meekosolemsé.

## Joël 2:12,13a

Njeshiqenean pa tobei pana: Bacinè maji kar si  
telje reeje rom'g qe ngao mee si bura tobei lem  
qe kog mee bboo lem, qe non lema, qe non si  
mbigi-mbigi lem to. Arje do bbengere si bba ti  
dus bôo tilje kubuje le si bba el, osje badm  
telje ge ro Njeshiqenean, Allah le si; mbata  
yeen to njekookemtondôo lem, qe njemeekosolemsé  
lem to, ong in sea kalang el, meemaji taa rea  
pel-pel, bée bba yeen rem qe ndia do nêmajelje  
ge yeen woji qe mba ra se dee.

## Osée 14:2a

Telje ge ro Njeshiqenean'g, torje ndu si areeje,  
uláje pajena: Ar meei ti mbiti do nêra kôri-kôri  
je le ci lai, wa ci ge roi'g bôo qe os ci reou el!

## Job 33:27,28

Yeen aa loo oo deouje...tobei boo lee deou pana:  
Ma m'ra kaiya, m'al do nêra ge dannasur, nê bon  
nêram os tâm'g lé el, Allah ajim am m'aou mee  
bwa-yoo'g el; bée bba ma m'al rom dann lookar'g.

Esafe 55:6,7

Sangje Njeshiqenean loo ge sein a kingáje kenneng, bbareeje loo ge yeen shi ne mbor si'g deb: maji kar njemeeyèr yán goo reou lea lem, maji kar deou ge njera né kôri-kôri yán goo takenjije lea lem to, qe mba tel ree ro Njeshiqenean'g karee ra sea meemaji. Maji karee ree ro Allah'g le ci mbata yeen ar méee kasee do meekosolemsé'g lea el.

Pa 34:19

Njeshiqenean aar mbor deen ge bbengere dee ti dus'g lé yeen aji deen ge ndil dee unda bala tigi-tigi lem to.

Jérémie 36:3b

...banelle nana kârâ a kos badm tel reou kabee ge majel'g, ndaà meem a koso lemsé do néra kôri kôri le dee lem, qe do kaiya ra dee lem to.

Pa 32:5

M'teg ginn kaiya ram m'ari ya. Ma m'iya sei do néra ge kôri-kôri lem el, m'pana: M'a riba do kaltaje lem pereg non Njeshiqenean'g bée bba i ôga kaiya lem ge bian os tâm'g lé.

1 Jean 1:9

Boo lee jeen n'teg ginn kaiya le ci ge raga ndaà, yeen to njemeendalondon qe njemeekarabasur mba kar méee ti mbiti do'g lem, mba kor wenn néra ge kôri-kôri le ci bendere-bendere lem to.

Néranjekainkulaje 3:19a

Bée ndaà waje ndôo ro si do kaiya'g le si osje badm telje mba kar kaiya le si or ndos-ndos.

(Ôréje taje nee nan'd qe kam 14)

Lévitique 1:4; 17:11

Yeen a killa jia do nékinjames ge kan rôo qe per neelé ndaà a taa kem Njeshiqenean mba karee or ne ta do débee'g neelé. Mbata kheme le daro to dann mesee'g. Yeen bba neen n'ar si mes neelé do loo-nékinjames'g mba karee to né kôga do kaiya le si; mbata mes bba ôga do kaiya le si ya.

Hébreuje 9:22

Mes bba or wenn bôo-néje lé to ge godndu lé woji; boo lee mes oso nang teng el ndaà, loo kor kaiya mee deouje'g a goto to.

Teen Raga 12:5a,13a

Ngonnbad...lé a to balee ge ra leb kara ba ge rea minan el. Mes lé bba a to nétoji do keije ge sein shije kenneng; m'a koo mes neelé ndaà m'a des do si'g tar, tobei loo ge m'a qe killa tuji do bbee ge Egypte ndaà tuji-bôo neelé a tuji si-sein el.

Loo-Kunda-Ginn Né 22:8a,13

Abraham illá kenneng pana; Ngonnm, Allah nja a kunn ngonnbad ge kan kinjá ge mes rôo qe per lé ge né ge woji dea ya...Abraham or dea ge tar bad om red géee'g ndaà oo balbad ge tuga gajee ngonn kag'd; ndaà Abraham aou wá, injá ge mes rôo qe per taa ne tôr ngonnee lé to.

## Jean 1:29

Bêlé lookàree ndaà, yeen oo Jesu aou ge rea'g nee. Yeen pana: Aa ooje, Ngonnbad le Allah, yeen ge a qe kor kaiya nang neelé.

## Esafe 53:6b,7

Njeshiqenean odo néra kôri-kôri le ci lai om dea'g. Deen ra sea majel d'ula ne kemee ndôo, nê yeen teen sea ge loo tolee'g. Yeen to asena qe kon bad ge d'aou qe mba ndise binyee.

## Hébreuje 9:12,28a

Loo ge to qe kemee dôï ge ged lé, yeen and kenneng qe mes balbyanje esé ngann mangje bba el; nê daro mesee bba yeen aou ne kenneng. Nê Kristi lé wei gol kara ba kiao ge ngangee mba kodo nékaiyaje le deouje bula.

## 1 Pierre 1:18a,19

Sein gerje gao, néje ge a qe tuji asena qe larnda esé larlor, yee bba deen dôga si ne d'or si ne...Nê mes Kristi ge gadee dum ndogo bba, deen d'ôga si ne. Kristi ngonn bad lé, rea minan el lem, rea illa bbal el lem to.

## Hébreuje 9:14

Nê bbed bba see Kristi ge rea illa bal el lem, nê yeen nja in qe méee yan rea ar Allah, qe goo reou ge Ndil njeshiqenean tojee, see mesee a kor wenn néra si ge qe mindé mee si'g mba kar si waje Allah ge njeshikhemba lé mee si'g el wa.

## Romainje 3:24,25a

Kôga ge Jesu Kristi ôga do dee lé, yee bba ge noji le Allah ge yeen wa se dee or ne bbang kaiya do dee'g ge kor. Jesu Kristi lé Allah nja oree undã ne ge nékinjames qe mba kar deen ge d'om meen dee dea'g.

## Romainje 5:8,9

Nê Allah killa meenoji lea kod ge ro ci'g, mbata loo ge jeen nai ge njekaiyaje bei lé, Kristi wei qe mbata le ci. Togebé bba bacinè mesee or ne ta do ci'g lem, yeen nja bba a kor ci dann ong'g kar ci j'aji ne lem to.

## Galateje 2:16a

Nê jeen n'ger gao, meekunn ge deou a kom ne qe Jesu Kristi nan'd lé yee bba deou a tel ne nje-meekarabasur, bôo to néra ge deou a ra ginn godndu'g bba el; nê jeen lé jeen j'om mee ci do Jesu Kristi.

## Ephésienje 2:8,9

Togero ya, noji bba sein ajije ne goo meekunn'g le si; to né ge Allah bba ar si bôo to né ge in ro si sein'g el. To kula ra deou bba el, bée ndaã deou a nduba ne rea el.

## Néranjekainkulaje 10:43

Njetegginntaje lai d'or goo ta lea pana: Nana bba ge om méee dea'g ndaã, mbol do ria yeen nja bba bbang kaiya a kor ne do njea'g neelé bei.

## Néranjekainkulaje 4:12

Deou ge rang kara kârâ ge kaji a kin rea'g lé goto. Boo lee sein a kaouje rara ginn dara qe do nang nee mbuna deouje'g lem kârâ sein a kooje ri deou ge rang qe mba kunn kaji ne goto.



## Luc 1:26-38

...Kura lea ge dara ge ria le Gabriel lé nja tobei ulá Nazareth ge woji do bbeekon ge Galilée; aree aou ro ngomand ge ria le Marie, to ge njemor le Joseph, ngonn ge kei le David. Kura ge dara ...ulá pana:...Marie, bbel el, mbata Allah illa kemi toro'g. Aa oo, i a taa kêm, a koji ngonn ge dingam ndaà, i a kunda ria le Jesu. Yeen a to deou ge bôo ndaà, d'a bbaree ngonn Njeshisèmdara'g, ...bbeekon lea lé bean a goto. Togebe Marie lé ula kura ge dara lé pana: Né neelé a to ge ban bba bèe wa, mbata ma kârâ m'ger ngao el bei to. Kura ge dara illá kenneng pana: Ndilmeenda a ree kom doi'g, tobei singamong le Njeshisèmdara'g a deb doi'g rigim ge ndil. Togebe ngonn ge to ge kemee ge i a kojee lé d'a bbaree Ngonn Allah...mbata Allah lé, né kara ge njedumee goto. Marie tel illá kenneng pana: M'aar nee nja, ma lé m'to kura le Mbaidombaije ya, maji karee ra sem to ge i pa tâi'g ya to. Bèe bba kura ge dara lé yân, od aou bei to.

(Adam ge Kristi bba ree do nang nee lal kar dingam ge denné d'inga nan reou koji'g. Adam or reou ar kaiya oso do nje ge do nang nee, nê Jesu or reou ar ci mba dum do kaiya'g).

## Philippienje 2:6,8

Yeen ge njekor ro Allah ya pai-pai; yeen naji mbai qe Allah el. Yeen teen kem dee'g to ge gar dee ge deou bée, in qe méeé ula dea to ngonnn-koji saar wei ne uru ne loo yoo'g kaar kag-croix.

## Jean 10:30,36

Ma jeen qe Baum lé jeen n'to ge kara ba bée. See ban bba yeen ge Baudeouje ya oree undá qe kemee ulá nang nee bba sein paje sea pajenan: Tapea to ge ta ndol, mbata pa ge ma m'pana: Ma m'to ge Ngonn Allah lé bei wa.

(Jesu Kristi ge to kankemta ge qe non lé yeen shi kenneng ketté ge dotar. Kém ge Marie taa lé to némori ge Allah ra ar Jesu ree ne do nang nee. Qe goo darea lé jeen n'gereé ge Ngonn-deou nê qe goo Ndil Allah lé jeen n'gereé ge Ngonn Allah. Maktub le Allah bbaree "Ngonn lé" mba kar ci j'oo loo kom nan'd sad le Allah deen qe kankemta lea, yee bba ge Jesu Kristi.)

## Hébreuje 10:5

Togebè bba loo ge Kristi ree nang nee yeen pana: ...I gol kubururom am.

## Romainje 1:4

Yee bba woji do darea, nê teen ge yeen teen dokumbwa'g lé unda ne rea ar ci j'éée ne ge Ngonn Allah ge njesingamong yee bba ge kan Ndil meenda.

## Jean 20:28

Thomas illá kenneng pana: Mbaidombaije lem! Allah lem!

1 Timothée 3:16a

Meenda ge ged to nderta ge dumkoo. Allah lé da-  
rea to raga ndegese.

Colossienje 2:9

Kristi lé unn kubururo Allah ya lad-lad.

Esafe 9:6

Mbata d'oji ngonn d'ar ci lem, d'ar ci ngonn ge  
dingam lem to, konbbee lé a to do tamee'g; d'a  
kunda ria le Njemajidum lem, qe Njekwoji-takem-  
kâr lem, qe Allah ge Njesingamong lem, qe Bau  
ge Njeshiqenean lema, qe Mbai ge Njemeelom lem to.

Jean 8:58

Jesu ula dee pana: ...Ma m'ula si tesere, ma m'to  
ge ketté par-par bba Abraham bei.

Jean 1:4,9-10

Khem lé in rea'g, khem lé to lookâr ge àr do  
deouje'g. Lookâr lé to lookâr ge ged ya, yeen  
nja bba ar loo inja kem deou ge rara kârâ ge  
d'ojee do nang nee. Yeen neelé unda nang nee qe  
néje ge to kenneng lai, yeen nja shi nang nee  
to; nê kem deouje ge do nang nee kârâ inja  
dea'g bée el.

1 Timothée 2:5,6a

Togero ya, Allah lé kara ba kiao lem, qe nje-  
kaar danna kara ba kiao lem to; yeen nja bba  
aar ngao dann Allah qe deouje lé to. Jesu  
Kristi yeen ge yân rea ar yoo ge nékôga do  
deouje lai jigi.

Colossienje 1:14,15a

To yeen ge ôga do ci or ne kaiya do ci'g. Yeen  
or ro Allah ge njedumkoo lé.

TA LAI GE TO MEE MAKTUB LE ALLAH LÉ  
TO TA LE ALLAH

2 Pierre 1:21

Mbata ta ge pa lé, to ta ge in mee deou'g tel el. Ndilmeenda bba uru mee deouje g ar dee pa ne tapa Allah ya.

Luc 1:70,77

To ge yeen ar taree teen tâ njetegginntaje'g lea ge yeen unda dee qe kemee ge leou-leou saar bacinè lé. Yeen or ne bbang kaiya do deouje'g lea ge kor, ar dee ger ne ginn kaji lea lé gao.

2 Samuel 23:2

Ndil Njeshiqenean unnm pa ne ta, ndonm bba ta lea to kenneng.

Tel-tura-godndu 6:6

Tôrnduje ge m'ar si bbogenè lé d'a to do bbengere si'g.

2 Timothée 3:16

Ta lai ge to mee maktub'g neelé to ta ge in tâ Allah'g ya; maji mba ndoo dee ne lem, mba ndang dee ne lem, mba gol dee ne lema, mba toji dee ne né ge to qe do najee lem to.

Romainje 15:4

Togebè, ta lai ge deen ndang mee maktub'g ketté lé deen ndang qe mba toji ci ne maktub ge to qe kemee lé kar ci j'illa ne mee ci pon lem, mba kar mee ci kul ne lom lem to, yee bba, jeen j'unda ne mee ci yel do Allah'g.

Matthieu 22:29b

Takenji le si uru si wala, mbata sein gerje ginn maktub ge to qe kemee lé el lem, sein gerje singamong le Allah lé el lem to.

Pa 138:2b

Rii lé bbar qe loo njal-njal, mbata i tol ne tâ ndukunnje lei lé bém.

## Lookillarea 19:13

Kubu ge mes wa kenneng mbege-mbege lé yeen ula rea'g. Ria ge deen bbaree ne lé le Ta le Allah.

## Jean 1:1,14a

Ketté ge dotar Logos shi kenneng. Logos neelé shi qe Allah lem, Logos neelé to Allah to. Yeen nja shi qe Allah ketté ge dotar. Logos lé tel to ge daro deou, yeen ree shi mbuna ci'g.

## Jesu riba do Allah ar ci

## 2 Corinthienje 4:6

[Allah] ar lookàr tin loondul mee ci'g kad. Kem Jesu Kristi lé, ronduba le Allah a ndogó ne mee ci'g mba kar ci n'ger ne ndiaa tesere.

## Jean 1:18

Deou kara kârâ illa kemee do Allah'g ndan el bei; nê Ngonn ge kara ba ge to Ngonn mee Baubee lé bba ar kem dee ti dea'g tesere ya.

## Jesu bba Allah ula ci ne ta

## Hébreuje 1:1,2

Leou-leou bba Allah lé pata qe tapea lem qe nêrea ge bbed-bbed lem ge os goonan-goonan, ar kacije d'oo; njetegginntaje bba ria ne se dee dea. Ndea ge gogo nee, yeen pata ar ci, nê Ngonnee bba ria ne se ci dea. Yeen neelé bba Allah unda ne nang nee lem, aree to njenéje lai lem to.

## Jean 8:38a

Ma m'ula si né ge ma m'oo bbee le Baum lé.

28 MAKTUB LE ALLAH QE KANKEMTA GE SHI KHEMBA  
LÉ D'ASENAN TO GE BANWA

Maktub le Allah to néso mbata kankemro deouje

Job 23:12b

Taje ge teen tea'g lé ma m'ngem unda godndumje.

Matthieu 4:4b

Muru nja kara ba bba deou a shi ne qe khem lé el, nê ta kara-kara lai ge teen tâ Allah'g bba yeen a shi ne qe khem lé bei.

Maktub le Allah ndogó reou non ci'g

Pa 119:105

Ta lei lé yee bba to ge perndo ge ndogó killa golmje'g lem; yee nja to ge lookàr ge àr njai do killa-reou'g lem ya to.

Pa 119:130

Ta lei lé, loo ge teg ginnee ndaà, ndogó do loo'g, ar njemeendaje bba d'oo njai ya.

Jesu to muru kon ge in dara

Jean 6:51,48

Ma lé m'to muru kon ge deou a shi ne qe khem ge in dara; boo lee nana bba ge on muree neelé ndaà, a shi ne khemba qe non ya. Muru ge m'a karee lé to ge darom ge m'a kar nje ge nang nee d'ishi ne qe khem lé ya. Ma m'to muru kon ge deou a shi ne qe khem lé ya.

Jesu to lookàr le nje ge nang nee

Jean 1:4; 8:12

Khem lé in rea'g, khem lé to lookàr ge àr do deouje'g. Jesu unn ta ge rang ula dee pana: Ma m'to lookàr le nje ge nang nee. Yeen ge unn reou goom'g ndaà, a njaa loondul'g el, nê yeen a nai dann kàr'g, shi ne qe khem lé.

Pa 1:2,3

Nê yeen nda mée kain do godndu Njeshiqenean'g lé, yeen lanji tôree méen'g dann kârâ qe loo-ndul'g to. Bêe bba yeen a to asena qe kag ge meân mbor mann'g. Kandee teen qe nainyee-nainyee lem, kamee kârâ ndolé el lem to. Debee neelé, né lai ge yeen ra lé, or do ya.

Jesu ar deen ge d'om sea nan'd and  
qe kan dee-deen njim-njim

Jean 15:4,5

Namje kaarm'g ndaà, ma kârâ m'a nai se si to. Barkem nduú ge nam kaar nduú'g el ndaà, a kas-kem kand qe dorea el; togebè seinje kârâ boo lee sein a namje kaarm'g el ndaà, sein a kasje kem raje né kara kârâ qe doro si el lem to. Ma m'to ge ro nduú, nê sein toje ge barkemeeje. Yeen ge rara bba ge nam kaarm'g am nai sea ndaà, yeen a kand yaan; mbata boo lee ma m'go-to ro si'g ndaà, sein a kasje kem raje né kara kârâ qe doro si el.

MAKTUB LE ALLAH ULA CI TA LE JESU KRISTI

Jean 5:39,46

Sein woinje mee maktubje ge to qe kemee, sein enjije mee si'g pajena: Yee ge bêe bba sein a shije ne qe khem ge qe non lé...mbata boo lee sein omje mee si do Moïse'g ndaà, sein a komje mee si dom ma'g to, mbata ta ge yeen ndang mee maktub'g lé woji ne dom ma bba.

Luc 24:27

Unn ginnee bbee le Moïse qe bbee le njetegginntaje lai, yeen or se dee ginntaje lai ge to mee maktub ge to qe kemee ge pata d'woji ne dea yeen lé ar dee ya.

Pa 119:89,160

Ei Njeshiqenean, ta lei lé to mee daraje'g saar saar qe non. Kankemta bba i tum ne ginnta lei ya. Tõrnduje ge meekarabasur lei woji lé to qe non ya to.

Esafe 40:8

Mu ndôlé lem, pudu gein lem to; nê ta le Allah le ci lé to saar-saar qe non.

Matthieu 5:18

Dara qe nang nee d'a des wuduru mban bba godndu lé a kudu bei; néje ge tèn-tèn ge tos do lettre'g qe tinja kenneng lé a tuji qe mindé el saar kar dea or njal.

Jean 10:35b

Nê boo lee godndu lé ta kara kârâ ge to kenneng a kudu el.

Deouje do nang nee d'askem tel ta ge to mee maktub le Allah rang el

Tel-tura-godndu 12:32

Néje nee lai ge ma m'unn ndum do'g m'ar si lé sein a kaaje do dee ker-ker qe mba ra néee ya; sein a killaje ta kara kârâ do'g el lem, sein a korje ta kara kârâ kenneng el lem to.

Gosota 30:6

Taje lea lé maji kari illa maree dog el, nà ban elle yeen a ndangi ndaà d'a kooi ge njetangom.

Lookillarea 22:19a

Boo lee nana bba ge tuji ta ge to mee maktub'g neelé ndaà, Allah a kogee do kand kag kheme'g neelé ge woji dea.

Gosota 13:13a

Yeen ge oo ta ge né el lé tuji ne rea.



Jean 10:17,18a

Gelee ge nee bba Baum undam ne dann kemee'g, mbata m'yán rom m'ar yoo qe mba teen kemee'g nJORONG. Deou kara kârâ askem karm m'wei el, ma nja m'yán rom m'ar yoo qe dorom; m'askem kyán kar dee lem m'askem teen kemee'd lem to.

Jean 19:11a

Jesu illá kenneng pana: Boo lee d'in qe domong loo ge tar'g d'ula doi'g el ndaã, i a kaskem ra sem né kara kârâ qe doroi el to.

Matthieu 26:53,54

See i enji meein'g pana: Lee m'a bbar Baum mba karee am kuraje ge dara kudu **dog-gire-joo** nga see a lal kam dee wa. See né rea ge togebè bba a kar ta ge to mee maktub ge to qe kemee lé aou ne léee'g bÉRÉRÉ to ge banwa.

Néranjekainkulaje 3:18

Nê Allah nja ula njetegginntaje ketté pana: Nêmeekon a qe nder do Kristi'g le neen, nê baciné lé to léee'g bÉRÉRÉ mban ya.

Néranjekainkulaje 2:23

Deou neelé sein uláje ji njemeeyèrje'g, ddaree-je ne kaar kag'd, qe goo reou ge Allah nja woji méeen'g ketté ge dotar.

Esafe 53:10a

Ro Njeshiqenean lelee qe mba kula kemee ndôo tedee ne rug-rug. Loo ge yeen yán rea ge né-kinjames qe mbata le kaiya.

32 KWEI GE JESU WEI LÉ NJEKORGOOTAJE D'OR  
SÔREE D'AR CI

Marc 15:27,28

Deen ddar gaim-bbogoje joo nan'd sea to, kara to do jikolee'g lem, kara to do jigelee'g lem to. Togebè bba mba kar ta ge to mee maktub ge to qe kemee lé aou ne léee'g béréré ya; mbata deen pana: Deen d'ôré nan'd mès qe njeramajelje.

Matthieu 27:45, 50-51, 54

Kâr aar dangdo saar tel rea qe mboree lé ndaà, loondul deb do nang'd bigim...Tobei Jesu illa bôo-ndia nang non wel gol kara bei bba ar ndilee teen aou...nang kârâ yè lema, mbalje kârâ tan bbegege-bbegege lem to. Bbé-njeröje qe deen ge d'aar sea mba ngem tâ Jesu lé, loo ge deen d'oo nang ge yè lem, qe néje lai ge teen togebè lé ndaà, bbel unda dee bad gang dee ar dee d'ula nan pana: Togero, deou neelé to Ngonn Allah lé ya.

Jean 19:32-37

Yenn nga njeröje ree kenneng ted gol yeen ge kara ge ddaree qe Jesu lé bba d'al d'aou ted gol yeen ge rang lé bei to. Nê loo ge deen tel ree ro Jesu d'oo to ge yeen wei mban ndaà, deen ted golee el nga; nê njerö os kaaree qe ninga ndaà, leegeneeya mes qe mann teen uba tiriri om nang...Néje neelé teen taree teen togebè mba kar ta ge to mee maktub ge to qe kemee lé aou ne léee'g béréré ya; mbata yee pana: Singa rea kara kârâ a ted pal el...D'a killa kem dee do yeen ge d'osee qe ninga lé ya.

## Néranjekainkulaje 2:24,32

Nê yeen nja aree unda loo teen dann nje ge d'wei'g, aree ti kula le yoo rea'g; mbata yoo askem kwá gan-gan qe dorea el. Togero ya, to Jesu neelé ge Allah aree unda loo teen, yee bba jeen lai n'to ge njekorgootareeje ya.

## Hébreuje 2:14,15

To ge ngannje ge d'oji dee to mes qe dakasro ge in ro njekoji deeje'g, yeen kârâ unn rea yeen togebè to, mba kar kwei ge yeen wei ne, njekurai ge to njesingamong le yoo, a tuji ne lem, deen ge d'oo ndôo ginn yoo'g lé, yeen a kar dee taa ro dee jia'g.

## 1 Corinthienje 15:55,57

Wah! yoo, see loo kunn banga lei to rawa.  
Wah! yoo, see nékadje lei to rawa. Allah ge njekar ci j'unn banga qe ri Mbaidombaije le ci Jesu Kristi lé, maji kar do ria ai segere ya.

## Lookillarea 1:18

Ma m'to njeshikhemba. M'wei ketté mban, nê aa oo, m'ishi khemba qe lebm-lebm qe non. Clefs ge kan yoo qe kan bbee le yoo lé m'wa jim'g.

## 2 Timothée 1:10

Bacinè lé Jesu Kristi Mbaikaji le ci ge ree lé, ar taree to raga pai-pai mban; yeen illa tuji do yoo'g lem, yeen ar kem deouje inja do khem'g lé, qe goo kankem ro dee ge a to qe non qe goo tagemaji lé.

## Lookillarea 3:20

Aa oo m'aar tâkei'g m'unda tâ bidi. Boo lee nana bba ge oo ndum or tâkei am ndaà, m'a kand kei lea yeen, m'a kon sea muru lem, yeen kârâ a kon sem muru lem to.

## Romainje 4:5

Yeen ge ra nê el, nê yeen om mée do yeen ge or kaiya do njekos-Allah-reou'g ndaà, meekunn lea lé Allah woji ge nêmeekarabasur lea ya.

## Jean 20:22b; 16:24b

Taaje Ndilmeenda qe mee si regm....Kwoiyeeje ndaà, a kar si mba kar do rolel le si or ne njal.

## Romainje 10:9

Boo lee tai teen ari unda ne non Mbaidombaije lem, qe teen ge Allah teen sea dann nje ge d'wei'g lé i taa qe mee ndaà, i a kaji ne ya.

## Matthieu 10:37a; 16:24,25

Yeen ge ndigi baubeeje esé keanje undam ma ndaà, in bbee lem el lem. Tobei Jesu ula nje-kwakilláje pana: Nana bba ge ndigi kaou goom'g ndaà, a kyân rea yag lem, a kunn kag-croix lea yeen nja kodo lem to, bba a kaou goom'g bei. Yeen ge ndigi kaji rea ndaà, yeen neelé rea a kigi yom bei; nê yeen ge yân rea yag mbata lemma ndaà, a lal kinga rea el.

## Galateje 3:29

Boo lee sein toje ge kan Kristi ndaà, sein toje ngaka Abraham lem, sein a toje njekinga nédojije qe goo ndukunn ge unn aree lé lem to.

1 Jean 5:11,12

Aa ooje, ta ge yeen teg ginnee lé bba to nee ya: Allah nja ar ci khem ge qe non lé. Khem ge qe non lé to ge bbee le Ngonnee ya. Yeen ge nai qe Ngonn Allah lé ndaà, yeen shi qe khem lé ya. Yeen ge nai qe Ngonn Allah lé el ndaà, yeen shi qe khem lé el to.

Ephesienje 2:4,5

Allah nja to bao-mee korjol...loo ge jeen j'wei yoo-kalta le ci lé, yeen ar ci n'tel j'ishi khemba qe Kristi nan'd; noji bba sein ajije ne.

Galateje 2:20a

Ma m'ddar rom qe Kristi nan'd; boo lee m'ishi khemba ndaà kârâ, to ma el nga, nê Kristi bbashi khemba meem'g; boo lee m'ishi khemba qe darom bacinè ndaà kârâ, meekunn ge m'unn m'ar Ngonn Allah lé bba m'ishi ne khemba.

Romainje 8:2

Togero ya, ma lé ge m'om nan'd qe Jesu Kristi lé bba ndil ge kan kishi qe khem lé ra ne reou lea meem'g tuji ne godndu le kaiya lem qe kan yoo lem to.

2 Corinthienje 5:17

Boo lee deou om nan'd qe Kristi ndaà, yeen to deoukunda le Allah ge cigi ya. Bbuga néje ge leou lé sané kad mban, aa ooje, néje lai tel to né ge cigi ya.

1 Pierre 1:23; 2:2

Ta le Allah ge to ta ge khemba qe non ge yeen oji si ne unda ne kô si ge a to qe non boo a kunda nang el. To ge ngur kil mbâ ra ngannje ge kas ngwod-ngwod lé, maji kar ngur kankemta ra si togebè to, mba kar si raje ne tog ge ketté-ketté do kaji'g.

Pa 68:6

Bau ngannalje lem qe njekainbada do njekei-singaje'g lem to lé, yeen nja bba to Allah ge njeshi mee loo ge lea ge to qe kemee dôî lé ya to.

Esaie 64:8; 63:16b

Ei Njeshiqenean, i to baucijeen, jeen n'to ge anji i bba ge njekuba ci; jeen n'to kulaje ge jii bba ra dee. I Njeshiqenean bba to baucijeen, unn kudee leou-leou ba lé, rii le nje-kajici lé.

Osée 1:10b

Loo ge d'ula dee pana: Sein n'toje deouje lem el ndaà, léee ge nee ya d'a kula dee pana: Sein n'toje ngann Allah ge Njeshikhemba.

Matthieu 7:11; 6:9

Sein ge njemeeyèrje bei ge sein gerje loo kar ngann sije né ge maji ge deen kwoi si nê bbed bba see Bausije ge shi dara a lal kar deen ge kwoiyee né ge maji lé bei wa...Seinje lé, ndu-kwoi le si bba to nee: Baucijeen, i ge shi rudu dara'g maji kar rii to qe kemee bbed.

2 Corinthienje 6:17, 18

Yee ge bèe bba Mbaidombaije pana: Undaje loo mbuna dee'g teenje; saje ro si ro dee'g ge gogo, tibije mbor né ge minan lé el.

M'a kwa si ge rom'g, ma m'a to bausije, sein a toje ngannmje ge dingam qe nje ge denné, Mbaidombaije ge njesingamong bba pa bèe.

Romainje 8:14

Deouje lai ge Ndil Allah or non dee ndaà, deen to ngann Allah-je ya.

Jean 14:6,7,23b

Jesu illá'g pana: Ma nja m'to ge reou lé lem, ge kankemta lé lema, ge khem lé lem to. Lee deou ge rara bba ree ge reou ge rom'g el kârâ yeen a teen ro Baum'g el to. Boo lee sein germje ma ndaà, sein a gerje Baum lé nja to. Unn kudee bacinè lé sein gereeje mban lem, sein éeeje mban lem to. Deou ge rara bba ge undam dann kemee'g lé ndaà, a kaa do ta lem ker-ker ya, Baum a kundá dann kemee'g kar cijeen sea n'ree rea'g j'uru kei méeen'g to.

Galateje 4:4-7; 3:26

[Allah] ula Ngonnee...mba kar cijeen kârâ n'to ne ngann-bbaje lea lem to. Allah nja ula Ndil Ngonnee mee ci'g mbata jeen n'to nganneeje, yee bba yeen pa ge ndia wel pana: Abba! Baum. Togebe bba i to bber el nga, nê i to ngonnn méee ya; mbata boo lee i to ngonnn méee lé ndaà, mbol do noji le Allah lé, i a to ne njekinga nékwanduba lé to. Mbata meekunn ge sein unnje arje Jesu Kristi lé, sein lai toje ne ngann Allah-je ya.

Jean 1:12

Nê deouje ge rara bba ge d'wa ge ro dee'g d'unda meen dee do ria'g ndaà, yeen nja ar dee singa ge mba kar dee tel to ne ngann Allah-je.

1 Jean 2:1b

Boo lee deou kara mbuna si'g ra kaiya ndaà, nje-ra reouta le ci shi ro Baudeouje'g béréré mban; yeen nja bba to Jesu Kristi ge njemeekarabasur lé.

Ephesienje 2:18

Yeen neelé mbol dea bba, jeen joo bör jeen j'oo ne loo kaou per ge ro Baucije'g ginn Ndil'g loo kara ba to.

38 JESU AR CI MEENOJI LEM, QE ROLEL LEMA,  
QE MEEKULLOM LEM TO

1 Jean 4:8,16b

Boo lee meenoji goto mee ci'g ndaà, Allah kârâ goto mee ci'g to, mbata Allah lé to ge daro meenoji ya. Allah to ge daro meenoji ya; deou ge meenoji uru kei méeen'g ndaà, yeen nai mee Allah'g ar Allah kârâ nai méeen'g to.

Ephesienje 4:32

Raje meemaji ge nan lem, ooje kemtondôo le nan lem to. Maji kar si arje mee si oso lemsé do nan'g to ge Allah kârâ ar méee oso lemsé do si sein ge omje nan'd ginn Kristi lé lem to.

Jean 13:35

Boo lee sein undaje nan dann kem nan'd ndaà, deouje lai d'a ger si ge njekwakillamje ya.

Galateje 5:22a

Kand né ge kan Ndil lé bba to nee ya: Meenoji lem, ge rolel lem, ge meekullom lem...

Pa 16:11

I am m'ger kem killa-reouje ge kan kaou kenneng khemba lé gao ya. Kishi ge deou a shi ne noin'g lé a to rolel ge al do loo sula ya lem, kishi do jikoli'g lé kârâ a to bôo-rolel ge ged ge non ya lem to.

Romainje 5:1

Jeen lé meekunn le ci bba, j'ishi ne ge nje-meekarabasurje non Allah'g. Mbaidombaije le ci Jesu Kristi lé bba om ci nan'd ge Allah.

Jean 14:27

Ma m'yán si ge meekullom, nê meekullom lem ya m'ar si, bôo kan nang nee bba m'ar si el. Arje mee si pelé wes-wes dom'g el lem, arje singasa wa si el lem to.



Romainje 8:11

Boo lee Ndil yeen ge njeteen qe Jesu Kristi dann nje ge d'wei'g lé, to mee si'g ndaà, yeen ge njeteen qe Jesu Kristi dann nje ge d'wei'g lé a kaji daro si ge njekunda nang lé qe goo Ndilee ge ra bbee mee si'g.

1 Corinthienje 6:14

Allah nja ar Mbaidombaije unda loo teen; yeen kârâ singamong lea bba j'a kunda ne loo teen to.

Jean 6:40

Aa oo, nê ge mee Baum woji lé bba to nee: Nana bba oo Ngonn neelé om mée dea'g ndaà, a kishi qe khem qe non lé lem, m'a karee unda loo teen ndo ge rudu ge gogo lé lem to.

Jean 11:25,26a

Jesu ulá pana: Ma lé m'to ge njekar deouje teen dokumbwa'g lem, ma m'to ge njekula kheme lé meen dee'g lem to. Nana bba ge om mée dom'g lee wei ge kwei kârâ a tel shi khemba ya. Deou ge rara bba shi khemba unda mée dom'g ndaà kârâ, yoo a bbar ria ndan el.

1 Corinthienje 15:21-23

Nêra deou ge kara ba ya, yoo on ne bbee do nang nee; togebè bba nêra deou ge kara ba ya deouje d'a teen ne dokumbwa'g to. To ge deouje lai d'wei ginn Adam'g lé, deen lai ge d'om nan'd qe Kristi lé d'a tel shi qe khem lé to. Kristi to ge dongor le dee, nê deen ge to kan Kristi lé d'a teen kôré goonan-nan ndea ge yeen a qe ree lé to.

Jean 14:19b

Mbata m'ishi khemba, sein kârâ a shije khemba ya to.

## Hébreuje 10:28,29

Yeen ge al do godndu Moïse lé, ta wa dea ge goo ta ge njekorgootaje jooje munta-jenn d'om dea'g ndaà, d'a kunn kem dee tim-tim karee ôga ne ge rea; nê bbed bba see yeen ge njaa do Ngonn Allah'g lem, oo mes mánro ge yeen to ne deou ge to ge kemee lé, oo ge né el lema, illa ndol do Ndil ge njenoji'g lem to ndaà, yeen ge ra togebè lé, see tuji ge a koso dea'g lé a kuru do maree'g nee el wa.

## Jean 12:48

Yeen ge mbatm saar lal taa ta lem ndaà, nje-gang reouta dea'g shi genn ya. Ta ge ma m'or lé nja bba a gang rebee dea'g ndo ge rudu'g lé bei.

## Jean 8:24

Gelee ge nee bba ma m'ula si ne m'pana: Sein a kweije dann kaiya'g le si; mbata boo lee sein omje mee si dom'g to ge ma lé m'to deou ge bée lé el ndaà kârâ, sein a kweije dann kaiya'g le si ya.

## Luc 12:4,5

Sein ge to baokuraje lem lé ma m'ula si tesere, deen ge d'askem tol daro si nê géee'g gogo ndaà d'askem ra né ge rang el lé, maji kar si bbel deeje el. M'a toji si yeen ge kem kar si bbeleeje ya. Yeen ge a tol si ndaà, a kaskem kom si géhenne'g lé bba maji kar si bbeleeje.

## Hébreuje 2:3a

Boo lee to togebè ndaà, jeen ge ndoo bao do bôo-kaji'g lé, see j'a kiya ro ci ra bba mba kar ta wa do ci el wa.

Néranjekainkulaje 17:31

Yeen unda ndo ge yeen a qe ra sariya qe goo rebee do nang neelé lem, deou ge nje ra sariya lé kârâ, yeen unda dôî lem to. Deou neelé Allah aree unda loo teen dann nje ge d'wei'g, mba kar dee d'oo ne gelee ged to.

Jean 5:22,23a

Baungonnje lé a gang ta do deou'g el, nê yeen mbon taree om ji Ngonn'g lé lai mban; mba kar deouje lai d'illa ribbar do Ngonn'g to ge deen d'illa ribbar do Baudeouje'g bée lé ya to.

2 Corinthienje 5:10

Mbata lee riri kârâ jeen lai j'a kaar loo sariya'g le Kristi, bôo qe mba kar nana kârâ a kinga né ge woji do maji esé qe majel ge yeen ra loo ge yeen nai qe darea bei lé to.

Romainje 2:16a

Yee bba Allah nja a kar Jesu Kristi unn deouje do néra goo ngein le dee, ndea ge yeen woji qe goo tagemaji lé ge m'ula si mban.

2 Thessalonicienje 1:7b,8

Mbaidombaije Jesu a kunda loo teen; yeen a kin qe kuraje lea ge njesingamongje dara teen ne dann ndon per'g, mba kar deen ge ger Allah el lem qe deen ge taa tagemaji le Mbaidombaije Jesu Kristi el lem to.

Luc 19:27

Njebanje lem ge ndigi karm m'on bbee do dee'g el lé, wa deeje ge nee amje, tol deeje kem'g nee ya.

42 DEOUJE BULA GE PA QE TÂ DEE PANA: NEEN  
N'GERJE JESU LÉ, DEEN TO KAN JESU EL

Tite 1:16a

Deen pa qe tâ dee pana: Neen n'gerje Allah, nê  
nêra dee bba deen d'unda ne wal gang.

Romainje 8:9b

Boo lee nana bba nai qe Ndil Kristi el ndaà  
kârâ, njea neelé to kan Kristi el to.

Ezéchiél 33:31b

Koso-deouje lem d'ishi nang noin'g; d'oo taje  
ge in tâi'g, nê deen ra nêee el, mbata tâ dee  
bba deen su ne kem loo, ndaà d'ula ro dee  
ndubu dann mal nêkinga qe goo rebee el.

Matthieu 15:8

Bôo-deouje neelé tâ dee bba deen ted ne kagm,  
nê meen dee nai sem eou.

Matthieu 7:21-23

Deouje ge bbar rim pana: Mbai, Mbai! d'a teen  
bbeekon ge dara lai el. Yeen ge ra tôrndu Baum  
ge shi dara aree or rod ndaà, yeen nja bba a  
teen kenneng. Ndea neelé deouje bula d'a dejim  
pana: Mbai, Mbai, see jeen riba do ta lei qe  
rii el wa. See jeen m'bbar rii n'tuba ne ndilje  
ge kurai mee deouje'g el wa. See mbol do rii bba  
jeen n'ra ne nêmorije ge bbed-bbed el wa. Yenn  
nga m'a kula dee kem deouje'g tesere pana: Odje  
tam'g gogo, sein njekuraije, kem kârâ m'illa do  
si'g ndo kara bêe el bei.

1 Jean 2:3

Boo lee j'aa do tôrndia ker-ker ndaà, yee bba jeen j'oo gao, to ge jeen n'geree ya.

Ezéchiél 36:27

M'a kar Ndilm to mee si'g, ndaà m'a kar si unnje goo ndukunnje lem, qe aaje do godndumje ker-ker; raje née lem to.

Hébreuje 5:9

Yee bba, yeen to ne deou ge maji or njorong, tum ne ginn kaji ge a to qe non. Deen ge d'illa ngonkoji dea'g d'a kaji ne.

Romainje 6:18

Sein borje do si bber'g le kaiya, nê ulaje ro si bber'g le meekarabasur mbiriri.

Ephesienje 2:10

Jeen ge j'om nan'd qe Kristi lé, jeen n'toje nékundaje le Allah ge yeen unda ci mba ra ne néraje ge maji ge Allah nja wa dea gol-gol ketté mba kar ci n'raje.

Romainje 8:10,13

Boo lee Kristi to mee si'g ndaà, daro si yèn a kwei qe mba kaiya ya, nê bacinè lé ndil si bba shi qe khem lé qe mba meekarabasur lé to. Togero ya, boo lee sein a shije khemba qe mba daro ndaà, sein a kwei je ne. Boo lee sein ndôléje goo Ndil, tolje ne néra le daro ndaà, sein a shije ne qe khem lé.

2 Timothée 2:19b

Maji kar nana bba ge bbar ri Mbaidombaije ndaà, unda rea bbad do néje ge ndöji pödödö'g.

Jean 15:18,19

Boo lee nje ge nang nee d'wa si qe meen dee ndaà, maji kar si gerje gao to ge d'wam qe meen dee ketté bba d'wa si qe meen dee kenn bei. Boo lee sein toje ge nang nee ndaà, nang neelé, né kean bba ndigi ya; nê sein toje ge nang nee el, mbata ma nja m'kod si mbuna nje ge nang nee'g, yee bba nje ge nang nee d'wa si qe meen dee qe mbea.

Jean 16:2b,3

Nana bba ge tol si kârâ mee ndea neelé a kenji méeen'g pana: Neen n'ra n'ar Allah ya. D'a ra togebè mbata deen ger Baudeouje lé el lem, deen germ ma lé el lem to.

1 Jean 3:1

Aa ooje, Baudeouje lé ndigi ci mée or jol-jol bba, qe mba kar dee bbar ci ne ngann Allah-je. Togero jeen n'to nganee ya; boo lee deouje ge do nang nee ger ci ge nganee el ndaà, to mbata deen geree el to.

2 Timothée 3:12

Deouje lai ge ndigi ra bbee ginn Kristi'g ted-kag Allah ndaà, d'a kula kem dee ndôo togebè ya.

Jean 16:33b

Némeeakon a ra si do nang nee ya; nê waje ro si kogero mbata ma m'dum do loo ge nang nee mban to.

1 Pierre 5:7

Nêje lai ge pelé mee si wes-wes lé, odoje bbuguje dea'g mbata yeen to njekaa do si ker-ker.

Esaie 41:10

Bbel el, mbata ma m'nai sei; maji kari oo loo qe kem bbél el, mbata ma m'to Allah lei; m'a kar singai in do maree'g lem, m'a ree la sei lema, m'a gedi qe jikolm ge kan kunn banga lem to.

Pa 27:10

Baumje qe komje d'ubam d'yánm, nê Njeshiqenean a kwam ge rea'g.

Hébreuje 13:6

Togebê j'askem pa redede pana: Mbaidombaije to ge njela sem, m'a bbél né kara kârâ el. See ddi bba deou a ra sem bei wa.

1 Pierre 4:14a

Boo lee d'a taji si mbata ri Kristi ge sein unnje ndaà, sein shije dann rorel'g ya: mbata Ndil Allah ge njendubaro lé deb do si'g ya.

Pa 91:11; 23:4a

Yeen a kunn ndia kar kuraje lea ge dara qe mba ngemi loo kabije'g lai. Loo ge m'njaa mee wel-yoo'g ge ndul lé, ma m'bbél némajel kara kârâ el, mbata i nja nai sem.

Philippienje 4:13,19

Mbol do yeen ge ôrem mès lé, lee riri kârâ m'askem ra ya. Ginn Jesu Kristi lé, Allah lem a kodo nébaoje ge to ronduba lea ge daa nan rea'g, a kar si nêje lai ge sein aouje ndôo dee.

## 1 Corinthienje 10:13

Né ge rara bba ge naa si kârâ, naa garsije togebè to, bôo al do singa dee el. Allah to njemeendalondon bôo a kyân né naa si karee al do singa si el. Yeen nja a kar si singa si lem, yeen a ra reou kar si dumje ne do né ge naa si lé to.

## Hébreuje 4:16

Bèe ndaà, maji kar ci n'ges per ge mbor kalimbai noji 'g lea qe meendakain, mba kar méeee oso lemsé do ci 'g qe mba karee wa se ci noji la ne se ci do né ge ndéee ra ci lem to.

## 1 Jean 1:7

Boo lee jeen njaa dann kârâ to ge yeen nja nai dann kârâ lé ndaà, Jeen j'om mee ci sea nan'd sad ya; bèe bba mes Jesu Ngonnee or ne wenn kaiyaje le ci bbendere-bbendere lem to.

## 2 Timothée 2:22

Sa roi reou do mal néje ge ra basaje 'g, tel ndôlé ginn meekarabasur lem, qe meekunn lem, qe meenoji lema, qe meelom lem to, om nan'd qe deen ge bbar ri Mbaidombaije qe meenda kor jol-jol.

## Romainje 6:11

Seinje kârâ to ge sein waje ro si ge yoo-deouje do kaiya 'g lé, sein a kooje ro si ge njeshikhembaje ginn Jesu Kristi 'g mbata le Allah lem to.

## Jacques 4:7

Omje ro si ji Allah 'g. Osje Cheitan reou bba yeen a kain si bei.

## Pa 119:11

Ma lé m'wa ta lei do bbengerem 'g bôo qe mba karm m'ra kaiya m'osi ne reou el nga.



RA TAMAJI TÂ ALLAH'G TA-TA, YEE BBA GE KOM 47  
NAN'D SAD QE ALLAH

Pa 27:8

Do bbengerem pata woji ne doi i Njeshiqenean ya dôï pana: Unnje kem si oomje; ndaã ma nja m'illai kenneng m'pana: Ei Njeshiqenean, m'unn kem m'ooi ya.

Pa 62:9

Sein bôo-deouje lê maji kar si omje mee si dea'g qe ndo kara kara lai. Tegje ginnta ge to mee si'g areeje; mbata Allah lê to loo kula do le ci ya.

Jérémie 17:14

Njeshiqenean ajim, ndaã m'a shi khemba lem, taam tâ yoo'g ndaã m'a kaji lem to, mbata i bba to ronduba lem.

1 Thessalonicienje 5:17,18

Raje tamaji ta-ta. Raje merci do néje'g lai, mbata yee nja bba Allah woji mba kar si-sein ge shije ginn Kristi'g lê raje.

Jacques 1:5

Lee na bba mbuna si'g kemee inja pao el bei ndaã, maji karee deji Allah kemkâr, yeen ge nana kârâ aree né ge kar, bôo yeen tura géee el yeen a karee kemkâr ya.

Pa 34:5

Ma m'sang Njeshiqenean ndaã, yeen teen ingam ya. M'bbel yaan m'ndeb ne pet-pet ndaã, yeen ar meem oso nang pon ya lem to.

Pa 66:18; 25:11

Boo lee m'lom do néra ge kôri-kôri meem'g ndaã, Mbaidombaije askem kam né ge m'aou ndéee el. Ei Njeshiqenean, néje ge m'ra qe goo rebee el lê to néje ge bôo. Ar meei ti mbiti do'g qe mba kar rii bbar ne.

## 1 Thessalonicienje 4:16,17

Mbaidombaije nja bba a kwoji léee. Ndu kan mbai le kuraje ge dara a bbar wel; yeen a kula dee kar tonton le Allah a bbar kor loo loi-loi to ndaa, yeen a kin dara qe mba ree nga. Deen ge d'wei ginn Kristi'g lé, d'a teen ketté mban bba, jeen ge j'aou khemba do nang nee, j'a kin se dee nan'd kuru dann loo kil ge le ndi'g des tar mba tilla kem Mbaidombaije lé to. Bèe bba, j'a nai ne dara qe Mbaidombaije qe non.

## 2 Corinthienje 7:1

Sein ge m'unda si dann kem'g lé, ndia ge yeen unn ar ci lé, ar ci n'togoje néje ge minan ge qe ria-ria ge tyán daro ci'g qe ndil ci'g to. Ar ci m'bbelje Allah mba kar meenda le ci maji or njorong.

## 1 Jean 2:28

Bacinè lé, ngannmje, maji kar si naije sea ya, bèe bba loo ge yeen a teen tesere ndaa, j'a kaarje nean'g qe meendakain bbo ro ci a kul el lem, yeen a kuba ci kyán ci loo ge yeen a ree lé qe goo ngalee el lem to.

## Jacques 5:8,9

Sein nja kârâ illaje mee si do maree'g lem, aije mee si sam-sam mbata ndo ree le Mbaidombaije nai ngwoi bèe. Ngakomje, imje nan el, bèe bba deou kara kârâ a gangta do si'g el to. Aa ooje, njesariya aar tâkei'g péréré mban.

## Luc 12:40

Seinje kârâ waje do gol ro si shije ne dokeji si'g kegege to; mbata Ngonn-deou lé a ree do kâr ge sein shi gonje lé el.

# MAJI KAR NDIL BBA TAA MEE SI YAL-YAL

Gosota 1:23

Telje ro si qe mba kooje taje ge m'pa se si nee! Aa ooje, m'a kar ndilm om do si'g lem, m'a kar si gerje tapamje lem to . . .

Néranjekainkulaje 2:38b

. . . Waje ndôo ro si do kaiya'g le si, yenn bba d'a baptisé si qe ri Jesu Kristi mba kar méee ti mbiti do kaiya'g le si; bée bba sein a kingaje ne Ndilmeenda ge d'woji-kwoji kar si ge kar lé bei.

Ephesienje 5:18-21

Arje mann-nduú tos si nang el, mbata yee bba singa si a yô ne; maji kar Ndil bba taa mee si yal-yal. Pa kor sôr noji lem, qe pa kula ronduba do Allah'g lema, pa ge woji do né kan Ndil lé lem to, yee bba osje pea gedje ne nan, osje ne gaji Mbaidombaije, illaje ne ribbar dea'g qe mee si bura. Nénojije lai ge sein ingaje lé paje taree qe goo ro si bura arje Allah Baucijeen qe ri Jesu Kristi Mbaidombaije le ci lé to. Tedje kag nan bbelje ne Kristi.

Philippienje 2:13

Mbata to Allah nja ra kula mee si ar si ndigije ra togebè lem, yeen ar ro si woilo kenneng qe mba ra tol bém bóo qe taa ne kemee lem to.

1 Corinthienje 3:16, 6:20

Sein toje keishi-Allah; Ndil Allah shi mee si'g; see sein gerje bèe el wa. Bèe ndaà, sein toje deou do ro si el bòo, mbata deen d'ôga si qe né ge gadee dum ndogo; bèe bba, unnje ro si qe ndil si bura ulaje ne ronduba do Allah'g.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.  
**World Missionary Press, PO Box 120, New Paris, IN 46553-0120 USA**



Read booklets online or by App  
[www.wmp-readonline.org](http://www.wmp-readonline.org)